



Universitätsbibliothek Paderborn

Scipio Claromontius De Ratione Status

Chiaramonti, Scipione

[S.I.], 1679

Examen locorum, in gratiam meae assertionis adductorum, ab auctoritate Ciceronis: ubi differentia ponitur, inter rem injustam facere, & non justam rem facere. II.

urn:nbn:de:hbz:466:1-10064

liter destruatur, cædes fratris non necessario existet prava. Et sic quoq; respon-
deo auctoritati Theologorum: mendacium, quousq; mendacium est, est pecca-
tum: at cum ex adjecto non sit mendacium, neq; peccatum est: velut cum para-
bola ut parabolæ adhibentur, & fabulae pro fabulis, ex mendaciis non mendacia
sunt. Æneam vivum ad inferos descendisse, mendaciū est, at vero cum narratur ut
fabula, non mendacium existit, neq; is, qui refert, mendax reputatur: nam se ac-
commodat in propositione hac Æneam descendisse ad inferos ad fictionem poeti-
cam, quod verum est, haud falsum. Expositum itaq; est, quomodo actio per se
indifferens, propter bonitatem finis, & cum primis boni publici, præsente boni-
tate ceterarum circumstantiarum bona evadat: & quomodo posset etiam actio
per se iniqua, fieri interdum æqua absolute, maximè respectu boni publici: &
partitum ostensa est veritas conclusionis bimembbris. Qua ex re constat, quo-
modo verum sit, quod peccata intrinsecus & sua natura talia, non possunt esse
peccata, ut ait D. Augustinus lib. de mendacio cap. ultimo: & in Enchiridio cap.
13. lib. contra mendacium cap. 7. Qua distinctione & expositione destituitur
doctrina Martini Becani in compendio manuali adversus hæreticos lib. v. cap.
20. illiq; adhibenda est.

*Examen locorum, in gratiam meæ sententiae
adductorum, ab autoritate Ciceronis: ubi differentia ponitur
inter rem injustam facere, & non facere rem
justam.*

CAP. II.

Feo ubi in utramq; partem discepavi, protuli in favorem sententiaz,
a me postea provera receptæ, nonnullas Ciceronis auctorates. Pri-
ma fuit remoto a magistratu, & exilium Collatino insuper irroga-
tum, non ob rem aliam, quam quod habitus fuit civis libertati perni-
ciosus, quod ex familia regia esset. Si consilium reip. istius hac in parte bo-
num reputamus, opus est ut circumstantiam (quid) efficiamus æquam ob ad-
junctum, hoc modo. In exilium mittere civem innocentem & bene promeriti-
tum, at damnosum ob quandam nimiam auctoritatem suam libertati: quæ addi-
cio

tio tollit meriti partem antecedentem, innocentiaeque; quantum ad illud, quod in magistratu relinquendus est, & in civitate, verum quidem est, quod non facilè crediderim periculum tantum existisse, ut meritum omne toleret Collatin bonitatis fideique; reip. præstatum, in pellendo e civitate regis consanguineum Et Titus quoque; Livius de eo ambigit. (lib. 2. in principio) *At nescio* (inquit) *an nimis undique; eam minimus quoque; rebus muniendo, modum excesserint. Consul* *is enim alterius, cum nihil aliud offenderit, nomen invisum civitati fuit.* Addo, quod Cicero in comprobando facto absolutè, ut facit, ita loquatur, ut videatur velle propter circumstantiam finis, utilitatis publicæ, æquum reddi iniquum factum: quod jam tum falsum esse ostensum est. Nam si circumstantia (quid) prava est, ex fine bona reddi nequit, si non habeat in se copulam, quæ ex prava bonam faciat.

Loci alteri Ciceronis erant, non reddere gladium depositum domino mente capto, vel illi qui uti eo contenderet in patriæ perniciem, ex quibus, similibusque; infert Cicero hæc: *Sic multa, quæ natura honesta videntur esse, temporibus sunt non honesta, facere promissa, stare convenientia, reddere deposita, commutata utilitate sunt non honesta.* Jam considerandum est, multum intercedere inter res injustas facere, & non facere res justas. Discriben est, quod modo priori legibus catur contra negantibus, & secundo affirmantibus, quarum illæ constringunt semper & ubi vis, ut communis scholarum loquendi formula est, at haec semper, sed non ubi vis. Verbi gratia, præceptum divinum negativum, non moechaberis, obligat semper, & ubi vis, nam non datur tempus, nec momentum, nec locus, quo moechantes, non committamus peccatum. At affirmativum, honora patrem, matremque; constringit semper, at non omni tempore, & momento: nam ubi longius absens a patre, non teneor honoris signall exhibere, nisi forte datis ad eum literis, aut habito cum alio super eo sermone. At præter occasiones similes non obstrictus sum, nec etiam ut de illo semper cogitem. Præceptum affirmativum constringit me data occasione id agere, quod ejus concernit honorem, aut si in contemptum ejus quidquam tendat, tum teneor illius tueri honorem. Idem conceptus potest quoque; altero morali dicendi modo exponi. Quando res, quæ agitur, aut alias circumstantia (quid) bona est, velut reddere depositum, stare promissis, non mox ideo utile erit ut perficiatur: sed opus est aliis circumstantiis, ut finis, temporis, loci & modi &c. quibus defientibus depositi redditio fieret actio prava, videlicet cum non reddatur quomodo debeat, & quando, & ubi

sicq; de cæteris putandum. Et quoniam in restitutione, circumstantia cui, ingreditur partem essentiæ, ideo commutatis circa hanc conditionibus, ut si ex amico quis factus sit inimicus publicus, ex prudente vesanuſ, eam ob rem restitutio suspendenda est in tempus, & occasionem commodiorem. At quando factum, vel circumstantia quid est per se semperq; prava, ut furari, mœchari & similia, ejusmodi patrare actiones semper erit prava, qua etiam committantur circumstantia: nam actio, quæ unam nacta est circumstantiam pravam, & præser-tim ex essentialibus, velut hæc est, (quid) semper prava est, quomodo & ubi peragatur. Unde provenit quod ad depositi restitutionem, fidei conserva-tionem, patris venerationem, cultum dierum profestorum, alimentationem fi-lii, non teneamur, nisi ubi necessitas exigat, & opportunitas, locus, cæteraq; circumstantia conspirent. Quare dicta Ciceronis secundo loco allata, non re-deattingunt quæſtione motam.

De Aequitate, uberioris expositionis justi propositi gratia.

CAP. III.

Redetur clarior natura justi extraordinarii, de quo sermo hactenus fuit, si perpendetur modo legis transgressio, quæ sit nonnunquam cum laude, & tum æquitas vocatur, de qua Aristoteles s. Ethicorum pertractat. D. Thomas sub græco nomine E. piechia z. 2. ego libro secundo de justitiâ. Exoritur illa, quoniam lex non potest complecti casus omnes speciales, quod infiniti sint: ideoq; etiam generatum effatur, tum quod exoriantur identidem casus non perspecti a legislatore. Exempli gratia sit lex ordinata, ut qui ferro civem percutiat, mortis reus sit, eos sine ut homicidia & vulnerationes e civitate tollantur. Jam vero accidit, ut duo ferro decertantes, alter eorum percutiat alterum annulo ferreo, quem loco aurei in dito gestat, huic casui non provisum est a legislatore, qui si vita frueretur, adesseq; præsens, non majorem statueret poenam in illum, quam qualim in decertantes. Ut ita in paribus casibus inobservantia legis, quæ per se actio est injusta, justa fiat: estq; justum extraordinarium, communiter enim justum habetur leges observare. Lex erat apud Thebanos, ut militum duces per-